

S. Veits-  
berg.  
herzog  
von Tegk.

vesten darob. die ward gehaissen sant Veitzberg vnd demselben nach nannt man den grafen von Beck herzogen von Tegk. Nun het der herzog kein kind. vnd nam den marggrafen zu aim erben. vnd gab ym das herzogtum auf bei seinem leben vnd huldet ym das land vnd warent ym vast hold. Also gab ym herzog Numulus ain frawen was ain gräfin von Soffay hieß Cleua. vnd der marggraff hieß Wendel. Die hystori von herzog Wendel kumbt hernach. Item herzog Numulus nam zu ym etwen mengen diener vnd besant zu ym mauerer vnd ander werckleut. vnd bauwet ain vesten die hieß er Bienburg. vnd ain berg lag nahent dabey do lag ain groß dorff vnder. do bawt er ain schöne kirch in der ere sant Johannis. vnd macht ym ain wonung darbey mit schön reben vnd gerten vnd mengerhant frucht. vnd nannt es Weingart. vnd das dorff Altdorff. Nun het er ainen diener der hieß Gebhart. dem gab er ain Jaghaus das was vor der Haiden gewesen. vnd nannt es Waltpurg. wann es in ainem tannwald lag. Vnd gab ym ain schilt mit ainer grünen tannen. vnd gülden tantzapffen dar ein. vnd hieß yn Truchsäß von Waltpurg. Er het auch ain andern diener dem gab er ain vesten hieß Radrach. vnd ain schilt mit aim weissen rad. vnd hieß yn Schenck von Radrach. Ainen andern gab er ain kastel das hieß Martdorff. den nannt er Marschalck von Martdorff. sein schilt was rot vnd drei weiß stral darinne. Dem vierden gab er ain vesten hieß Kemering. vnd gab ym ain schilt gelb mit ainem schwarzen schlüssel darinn. Das thet er das die vier ampt von dem herzogthum versehen warent.

Bienburg.

Weingart.  
Altdorff.

Waltpurg.

Truchsäß.

Radrach.

Martdorff.

Kemering.  
4. Amter  
des Herzogthums  
Schwa-  
ben.

Und also gewan herzog Wendel zwen sün. vnd ain tochter. Nun het der herzog geordnet wenn er abgienge so solt Bienburg die kanzelen sein in dem land zu Schwaben. Vnd Waltpurg truchsässen des herzogthums. Vnd Radrach schencken. Martdorff marschalck. Vnd Kemering kamerer. Vnd macht vier undtzwainzig pries-  
ster